

**Sud Bosne i Hercegovine****Суд Босне и Херцеговине**

Broj: Su-08-91/19

Datum: 05.04.2019. godine

Na osnovu člana 64. stav (1) tačka b) najniža cijena, člana 70 stav 1., 3. i 6. Zakona o javnim nabavkama ("Službeni glasnik BiH", broj 39/14) i člana 1. Poslovnika o radu Suda Bosne i Hercegovine („Službeni glasnik BiH“, broj: 82/05) na preporuku Stalne komisije za javne nabavke Suda BiH broj: Su-08-91/19 od 05.04.2019. godine u postupku javne nabavke IKT potrošnog materijala – 30200000-1, donosim

ODLUKU

o izboru najpovoljnijeg ponuđača za nabavku IKT potrošnog materijala

član 1.

Prihvata se preporuka Stalne komisije za javne nabavke Suda BiH (u daljem tekstu: Komisija), broj: Su-08-91/19 od 05.04.2019. godine i Ugovor za javnu nabavku IKT potrošnog materijala - oznaka i naziv iz JRJN: 30200000-1 (računarska oprema i potrepštine), dodjeljuje se ponuđaču „**R&S“ d.o.o. Sarajevo**, sa sjedištem na adresi Ul. Igmanska bb, a ponuda ovog ponuđača broj: 7068/19 od 27.03.2019. godine, za ponuđenu cijenu od **10.150,28 KM** bez PDV-a, kao najbolje ocijenjena ponuda.

član 2.

Ugovor o nabavci dostaviti će se na potpis izabranom ponuđaču „**R&S“ d.o.o. Sarajevo** po proteku roka od 15 dana računajući od dana kada su svi ponuđači obavješteni o izboru najpovoljnije ponude.

član 3.

Ova odluka objavljuje se na internetskoj stranici Suda BiH. Komisija za javne nabavke uputiti će obavještenje ponuđačima koji su učestvovali u postupku u skladu sa članom 70. stav (6) Zakona o javnim nabavkama.

član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka nabavke IKT potrošnog materijala broj: Su-08-42/19 od 07.03.2019. godine. Javna nabavka je provedena putem konkurentskog zahtjeva broj: Su-08-45/19, a procijenjena vrijednost javne nabavke bez PDV-a za nabavku IKT potrošnog materijala je 11.100,00 KM bez PDV-a. Obavještenje o nabavci objavljeno je na portalu javnih nabavki pod brojem 243-7-1-6-3-6/19 od 12.03.2019. godine. Komisija je rukovodiocu ugovornog organa dostavila Zapisnik o pregledu i ocjeni ponuda i prijedlog o izboru najpovoljnijeg ponuđača u postupku javne nabavke IKT potrošnog materijala. Komisija je blagovremeno i pravilno izvršila javno otvaranje ponuda dana 28.03.2019. godine i sačinila Zapisnik o otvaranju ponuda koji je proslijeđen svim ponuđačima koji su učestvovali u postupku. Nakon otvaranja ponuda Komisija je pristupila ocjeni i poređenju ponuda te o tome sačinila odgovarajuće zapisnike u kojima je utvrđeno slijedeće; da su blagovremeno pristigle dvije (2) ponude (CITY GROUP d.o.o. Sarajevo i „R&S“ d.o.o. Sarajevo); da nije bilo neblagovremeno zaprimljenih ponuda.

Uvidom u ponudu ponuđača CITY GROUP d.o.o. Sarajevo komisija je konstatovala da ponuđač nije dostavio dokumente kojima dokazuje tehničku i profesionalnu sposobnost u skladu sa tačkom 13.2. tenderske dokumentacije a to je:

a) lista glavnih isporuka (spisak izvršenih ugovora u posljednje dvije godine), u originalu ili ovjerenoj fotokopiji,

b) potvrde o izvršenim isporukama (najmanje 2 potvrde u posljednje dvije godine) predmetne robe čija je pojedinačna vrijednost minimalno 10.000,00 KM ili od datuma registracije dobavljača, u originalu ili ovjerenoj fotokopiji,

već je dostavljena Izjava da su u prethodne dvije godine uspješno isporučili istu ili istovrsnu opremu u vrijednosti preko 10.000,00 KM te u slučaju da ponuda bude izabrana dostavit će kopiju faktura. Na osnovu toga je ponuđaču dana 01.04.2019. godine upućen zahtjev za dostavljanje pismenog pojašnjenja dostavljenje izjave (u vezi kvalifikacionih uslova prema tački 13.2. tenderske dokumentacije). Ponuđač je dana 04.04.2019. godine poslao pismeno pojašnjenje putem e-maila da u zadanom roku (do 04.04.2019. godine do 16.00 sati) nije u mogućnosti dostaviti tražene dokumente i da se povlači iz javnog natjecanja za predmetnu nabavku. Prema navedenom, komisija za javne nabavke je konstatovala da u postupku za nabavku IKT potrošnog materijala ponuđač nije ispunio kvalifikacioni uslov kojim dokazuje tehničku i profesionalnu sposobnost u skladu sa tačkom 13.2. tenderske dokumentacije pa je ponuda ponuđača „**CITY GROUP**“ d.o.o. Sarajevo ocjenjena **neprihvatljiva**.

Uvidom u ponudu ponuđača R&S d.o.o. Sarajevo komisija za javne nabavke je ustanovila računsku grešku u Aneksu 2 - obrazac za cijenu ponude (specifikacija IKT potrošnog materijala) na stranama 19. i 20. ponuđačeve ponude i to:

-U tabeli (strana 19. ponude) nije pravilno izračunata ukupna cijena bez PDV-a za stavku pod rednim brojem 12. DVD pakovanje od 100 komada, umjesto 36,80 KM treba da stoji 18,40 KM.

-U tabeli (strana 20. ponude) nije pravilno izračunata zbirna ukupna cijena svih stavki bez PDV-a i zbirna ukupna cijena svih stavki sa popustom bez PDV-a, umjesto 10.168,68 KM treba da stoji 10.150,28 KM.

Na osnovu toga je ponuđaču upućeno pismeno obavještenje za dobijanje saglasnosti o ispravci računске greške dana 01.04.2019. godine. Ponuđač R&S d.o.o. Sarajevo je dana 02.04.2019. godine dao svoju pismenu saglasnost na ispravku računске greške dostavljenu na adresu ugovornog organa putem faxesa, tako da je ukupna cijena ponude ponuđača R&S d.o.o. Sarajevo 10.150,28 KM bez PDV-a.

Prema navedenom, komisija za javne nabavke je u postupku za nabavku IKT potrošnog materijala konstatovala da ponuda ponuđača "R&S" d.o.o. Sarajevo ispunjava sve uslove iz tenderske dokumentacije i da je **prihvatljiva**.

Za ovaj postupak je predviđena e-aukcija. Pristigla je samo jedna (1) prihvatljiva ponuda od ponuđača „R&S“ d.o.o. Sarajevo te u skladu sa pravilnikom o uslovima i načinu korištenja e-aukcije, ista se ne može zakazati.

U postupku ocjene provedenog postupka, rukovodioc ugovornog organa nije našao nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da je izabrani ponuđač „R&S“ d.o.o. Sarajevo izabran primjenjujući kriterij najniže cijene koja je ponuđena u iznosu od **10.150,28 KM** bez PDV-a.

Iz navedenih razloga, primjenom člana 64. stav (1) tačka b) najniža cijena Zakona o javnim nabavkama odlučeno je kao u dispozitivu.

POUKA O PRAVNOM LIJEKU:

Ponuđač koji je učestvovao u postupku nadmetanja može radi zaštite svojih prava i pravnih interesa izjaviti žalbu ugovornom organu u roku od 5 (pet) dana od dana prijema ove odluke.



PREDSJEDNIK SUDA

Ranko Debevec

RD

